



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __.__.2020. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 36. sjednici održanoj __godine, primilo je k znanju

Informaciju o postupku prestanka Društva „EYOF 2019“ d.o.o.

PREDSJEDAVAJUĆI GRADSKOG VIJEĆA

Igor dr. Gavrić





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

PRAVOBRANILAŠTVO

Broj: 01-08-Gp-9/20
Sarajevo, 04.02.2020. godine

GRADSKO VIJEĆE GRADA SARAJEVA

PREDMET: Informacija o postupku prestanka Društva "EYOF 2019" d.o.o.

Nakon što su Grad Sarajevo i Grad Istočno Sarajevo kao osnivači Društva "EYOF 2019" d.o.o. sredinom 2019. godine donijeli Odluku o pokretanju postupka prestanka "EYOF 2019" d.o.o., Pravobranilaštvo Grada Sarajeva je kao ovlašteni Predlagač dana 26.07.2019. godine podnio nadležnom Okružnom privrednom sudu u Istočnom Sarajevu Prijedlog za otvaranje likvidacionog postupka.

Okružni privredni sud u Istočnom Sarajevu dana 13.09.2019. godine je usvojio Prijedlog Pravobranilaštva Grada Sarajeva i donio Rješenje kojim je otvoren postupak likvidacije nad "EYOF 2019" d.o.o., te je imenovan likvidacioni upravitelj Bratić Radoslav iz Pala sa Liste stečajnih i likvidacionih upravnika.

Nakon otvaranja likvidacionog postupka održana su dva ročišta i to 13.11.2019. godine i 02.12.2019. godine u toku kojih su četiri povjerioca prijavila svoja potraživanja i to: Centrotrans-Eurolines d.d Sarajevo iznos od 16.976,70 KM na ime usluga prevoza, Proevent d.o.o. Sarajevo iznos od 39.944,80 KM na ime usluga tehničke podrške, Hoteli Ilidža d.d. Sarajevo iznos od 242.874,20 KM na ime hotelskih usluga i Ministarstvo finansija-Porezna uprava Republike Srpske-Istočno Sarajevo iznos od 142.660,37 KM na ime poreza i doprinosa.

Likvidacioni upravitelj je u cjelosti priznao potraživanja povjerioca Proevent d.o.o. Sarajevo i Ministarstva finansija-Porezna uprava Republike Srpske-Istočno Sarajevo kao osnovana dok je u cijelosti osporio potraživanja Centrotrans-Eurolines d.d. Sarajevo i Hoteli Ilidža d.d. Sarajevo iz razloga nepostojanja adekvatnog pravnog osnova, odnosno pravnog posla i prateće dokumentacije (ugovori i narudžbenice).

U odnosu na potraživanje Ministarstva finansija-Porezna uprava Republike Srpske-Istočno Sarajevo Pravobranilaštvo Grada Sarajeva je skrenulo pažnju likvidacionom upravniku i postupajućem sudiji da je prilikom podnošenja Prijedloga za otvaranje likvidacionog postupka Ministarstvo finansija-Porezna uprava Republike Srpske-Istočno Sarajevo izdalo Uvjerenje 09.09.2019. godine kojim se potvrđuje da je Društvo "EYOF 2019" d.o.o. prijavilo i izmirilo sve dospjele poreze i sporedna poreska davanja kao i ostale naknade iz nadležnosti poreske uprave zaključno sa danom 09.09.2019. godine. Likvidacioni upravitelj nije usvojio prigovor Pravobranilaštva Grada Sarajeva te je ostao kod priznanja potraživanja Ministarstva finansija-Porezna uprava Republike Srpske-Istočno Sarajevo iz kojeg razloga je na inicijativu Pravobranilaštva Grada Sarajeva "EYOF 2019" d.o.o. samostalno podnio žalbu protiv Rješenja Ministarstva finansija-Porezna uprava Republike Srpske-Istočno Sarajevo o kojoj odlučuje Ministarstvo finansija Republike Srpske u Banjaluci.

Adresa: Hamdije Kreševljakovića 3
71000 Sarajevo, BiH
Tel: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



Također u toku postupka Pravobranilaštvo Grada Sarajeva je ukazalolikvidacionom upravniku i postupajućem sudiji da nije obračunato i utvrđeno potraživanje koje "EYOF 2019" d.o.o. ima prema Ministarstvu finansija Republike Srpske na osnovu Zaključka Vlade Republike Srpske od 27.12.2018. godine po kojem je trebalo biti obezbijedeno 1.500.000,00 KM a isplaćeno je isključivo 500.000,00 KM tako da potraživanje iznosi oko 1.000.000,00 KM.

Likvidacioni upravnik je ostao kod svog popisa imovine "EYOF 2019" d.o.o. na dan 01.10.2019. godine prema kojem knjigovodstvena vrijednost iznosi 138.576,83 KM, te u vezi s tim kod svog prijedloga za otvaranje stečajnog postupka budući da vrijednost imovine "EYOF 2019" d.o.o. nije dovoljna za namirenje priznatih potraživanja povjerioca Proevent d.o.o. Sarajevo i Ministarstva finansija-Porezna uprava Republike Srpske-Istočno Sarajevo.

Okružni privredni sud u Istočnom Sarajevu je na prijedlog upravnika Rješenjem od 02.12.2019. godine obustavio likvidacioni postupak te istovremeno Rješenjem od 05.12.2019. godine otvorio postupak stečaja, te imenovao stečajnog upravnika Bratić Radoslava iz Pala.

Ročište za ispitivanje prijava potraživanja je zakazano za utorak 11.02.2020. godine.

Očekujemo da se u toku stečajnog postupka prijavi isti broj povjerioca sa istim iznosom potraživanja kao što je to bilo u likvidacionom postupku. Također, mišljenja smo da će u pogledu priznavanja i osporavanja potraživanja povjerioca, stečajni upravnik vjerovatno donijeti identičnu odluku kao u likvidacionom postupku.

Pravobranilaštvo Grada Sarajeva će u toku stečajnog postupka ponovo insistirati na osporavanju potraživanja Ministarstva finansija-Porezna uprava Republike Srpske-Istočno Sarajevo u iznosu od od 142.660,37 KM utvrđenih Rješenjem od 05.11.2019. godine budući da je isti organ svojim Uvjerenjem od 09.09.2019. godine utvrdio da "EYOF 2019" d.o.o. nema dugovanja iz kojeg razloga je "EYOF 2019" d.o.o. izjavio i žalbu 19.11.2019. godine Ministarstvu finansija Republike Srpske. Jasno je da od odluke Ministarstvu finansija Republike Srpske po izjavljenoj žalbi ovisi pitanje osnovanosti ili neosnovanosti potraživanja Ministarstva finansija-Porezna uprava Republike Srpske-Istočno Sarajevo u iznosu od 142.660,37 KM utvrđenih Rješenjem od 05.11.2019. godine.

Također, Pravobranilaštvo Grada Sarajeva će u toku stečajnog postupka zahtjevati od stečajnog upravnika, postupajućeg sudije i stečajnih povjerilaca da poduzmu sve radnje uključujući podnošenje tužbi i vođenje parničnog postupka radi naplate potraživanja "EYOF 2019" d.o.o. u iznosu od cca. 1.000.000,00 KM od Vlade Republike Srpske-Ministarstva finansija Republike Srpske i eventualno od Olimpijskog centra Jahorina.

DOSTAVITI:

- Naslovu,
- U spis.

PRAVOBRANILAC GRADA SARAJEVO

Sanjin Smajlović s.r.